



FOLKETINGET

Nuummi Angerlarsimaffik Aja-mut nakkutilliilluni alakkaaneq pillugu nalunaarusiaq (Nakkutilliilluni alakkaaneq 3)

1. Aallaqqasiut

Sisamangornermi 7. september 2023 § 71 naapertorlugu nakkutilliartortut siumut nalunaarutigeriikkaminik Nuummi Angerlarsimaffik Aja-mut nakkutilliartorlutik alakkaapput.

§ 71 naapertorlugu nakkutilliartoqataapput nakkutilliisunut siulittaasup tullia Camilla Fabricius (S), Theresa Berg Andersen (SF), Alexander Ryle (LA), Stinus Lindgren (RV) aamma Aaja Chemnitz (IA).

Taakku saniatigut peqataapput ataatsimiitaliap pisortaa Lis Grønnegaard Rasmussen, ataatsimiitaliap allattaa Charlotte Avnsted-Vilman, ataatsimiitaliami assisstanti Gitte Ravn Jensen aamma oqalutsi.

Aallaqqasiutigalugu nakkutilliisut ataatsimeeqatigivaat Heidi Trondheim Egede aamma Inalunguak Møller. Alakkaanerup nalaani angerlarsimaffik forstander-eqanngilaq, aamma sulisut arlallit suliunnaarsimapput.

Sulisut oqaluttuarput angerlarsimaffimi ullaunnaat ingerlasarneri pillugit sunillu unammilligassaqtarnertik pillugu. Angerlarsimaffik isumaginninnikkut tarnikkut neqeroorutaavoq, sulisullu naliliinerat malillugu tamatigut inuuusuttut ajornartorsiutaannut tulluartumik aaqqiiniarnissaminnut periarfissaqartaratik. Ilaatigut ajornartorsiutaavoq najugaqartut ukiumikkut nikinganerujussuat aammalu inuuusuttut arlallit sakkortuumik avammut qisuariaeateqartarnerat.

2. Nakkutilliiviup oqaaseqaataa

Nakkutilliisut aarlerinartoqartippaat sulisut paassisutissiimmata pisuni ilaatigut pisariaqartarsimammat meeqqat inuuusuttullu natermut nallartinneqartanrerat, tamanna meeqqanut inuuusuttunullu timikkut sakkortuumik iliorfiginninnerummat. Nakkutilliisut kajumissaarutigivaat periutsip tamatuma allanngortinnejarnissaa.

Nakkutilliisuttaaq ernummatigaat piginnaasaqarluartunik suliamullu tunngasumik ilinniarsimasunik atorfinititsiniarneq ajornakusoortinneqarmat, uanimi pineqarmata meeqqat inuuusuttullu imaannaanngitsorujussuarmik atugaqartut aammalu immikkut ikorneqarnissamik tapersorsorneqarnissamillu pisariaqartitsisut. Nakkutilliisut maluginiarpaat Angerlarsimaffik

25. april 2024

§ 71-tilsynet
Charlotte Avnsted-Vilman
Udvalgssekretær
charlotte.avnsted-vilman@ft.dk
Tlf. 33373648

Folketinget
Christiansborg
1240 København
K
3337 5500
ft@ft.dk
www.ft.dk

Ajami sulisuuusut sabinngisartik atorlugu meeqqat inuusuttullu toqqissisimanartumik aalaakkasumillu ulluinnaqartinnissaat sulissutigisaraat, sinaakkutaasut atorsinnaasatik iluaqtigalugit.

Nakkutilliisut ajunngitsutut nalilerpaat sulisut upalungaarsimaffigeqqissaarmassuk qanoq angerlarsimaffimmi ineqartuusut agguataarlugit inissinneqarnissaat, inuusuttut arlallit assigiinngitsunik tarnikkut suussusersineqarnikumik nappaateqarmata.
Inissiisarfimmi pingaarutilerujussuuvoq atugarissaartoqassappat tamakkuninnga aamma sulisut isumaliuiteqartarnissaat.

Nakkutilliisuttaaq ajunngitsutut nalilerpaat angerlarsimaffimmi sulisut ataavartumik isumaliuiteqartarmata qanoq ilillutik meeqqat inuusuttullu naaperiarnissaannik, kimigiiserfigineqartutut misigitinnaveersaarlugit, pingaaruteqarmat tatiginninerup sanarfeeqaarnissaa, sulisut meeqqamut imaluuniit inuusuttumut isumaginninnermi perorsaanermik suliamik aallartitsinnginnerini.

Naggataatigut nakkutilliisut ajunngitsutut nalilerpaat sulisut meeqqanu ilaqtattaminnut pissutsit assigiinngitsut peqquaallutik attaveqanngitsunut ukkatarinnitarerat ullorsiertoqartillugu il.il.

3. Nuummi Angerlarsimaffik Aja naatsumik

Aja ulloq unnuarlu angerlarsimaffiuvoq nalinginnaasumik silassoriissunut. meeqqanullu qulaajaaffigineqareersimasunut aamma inuusuttunut tarnimikkut ajornartorsiutillinnut. Sullinniakkat ilisarnaatigaat periorartorsimagamik aaqqissuussaanermik ainggaateqarlutik sumiginnangaallutillu, kinaassutsikkut akornute-qarneq, tarnikkut nappaatit assigiinngitsut, attaveqarniarnermi ajornartorsiuteqarneq, meeqqat inuusuttullu tarnikkut mianernartut, soorlu annikitsumik imminut naleqartinneq aamma imminut tatigineq appasittooq, inooqatigiinniarnermi ilikkagaqarniarnermilu ajornartorsiuteqarneq, qisuariartaatsikkut imminut aqup-piarsinnaannginneq aamma kinguneqaataasinnaasunik appasis-sumik paasinninneq, aamma isumassorneqarnissamik pisariaqartitsineq, aaqqissuussaanermik, inersimasunut patajaatsumik attaveqarneq katsorsaariaatsillu assigiinngitsut.

Nakkutilliilluni alakkaanissaq sioqqullugu angerlarsimaffiup nalunaarutigaa Aja katillugit 13-nik inissaateqartoq, immikkoortortanut agguataarsimasunik, immikkoortortaq niviarsiaqqanut sisamanut nukappiaqqanullu sisamanut inissalik, immikkoortortaq pingasunut inissalik, kiisalu illup avataani marlunnut inissalik. Ukieqatigiaat aallaavittut 14-17-nik ukieqarput. Immikkut innarluutilinnut immikkoortortaq marlunnut inissalik. Nakkutilliisunut kingusinnerusukkut nalunaarutigineqarpoq Aja meeqqanu 14-inut inissaqartoq, alakkaanerullu nalaani 14-inik inisimasoqartoq.

Nakkutilliilluni alakkaanissaq sioqqullugu aamma nalunaarutigi-neqarpoq meeqqat inuusuttullu 14-26 akornanni ukiullit Ajami najugaqartut, aammalu Holbøllsvej-imi meeqqat inuusuttullu 14-24 akornanni ukiullit najugaqartut, kiisalu ataaseq 30-nik aamma ataaseq 43-nik ukiulik.

Aja pingasunik immikkoortortaqaqarpoq. Immikkoortortami angisuumi iserterlaat najugaqartarput. Nammineerlutik inuunissaminut piariilersut immikkoortumi mikinermi najugaqarput. Inersimasut Holbøllsvej-imi najugaqarput.

Aja neqerooruteqartarpoq inuusuttunut 18-23-it akornanni ukiulinnut malitseqartitsinermik. Malitseqartitsineq angerlarsimaffimmi tamakkiisumik najugaqartitaanermi pisarpoq.

Angerlarsimaffik Aja Namminersorlutik Oqartussanit pigne-qarpoq Inunniq Isumaginninnermut Aqutsisoqarfiuspataaniilluni.

Isumannaallisagaanngitsutut ulloq unnuarlupaaqqinnittarfiuvoq, Meeqqanut ulloq unnuarlupaaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat § 1, imm. 1, nr. 1 aamma § 1, imm. 2, nr. 1 naapertorlugu.

Angerlarsimaffik immikkoortortaqaqarpoq innarluutilinnut Inuit innarluutilit tapersorsorneqarnissaannut Inatsisartut inatsisaat tunngavigalugu.

Ajami inunniq perorsaanermi avatangiisink illersugaasunik pilersitsinissaq siunertaavoq, najugallit nammineq sukkassusertik maliillugu ineriartorsinnaassapput, taamaalillutik nammineq killistatik, misigissutsitik pisariaqartitatillu pitsaanerusumik angussavaat. Sakkortuumik misigisaqarnerit kingorna qisuarialtit alaperneau-neqarput aamma najugallit ilikkagaqarnissaminnut ineriartornissa-minnullu tapersorsorneqartarput. Najugallit ulluinnarni unamilli-gassaminnik artorsannginnissaat Ajap aamma pingaartitaraa aamma atassuteqarnerit assigiinngitsut qanoq aqunnissaanut sungiu-saasapoq, ukioqatiminnik ikinnguteqarnissamut piginnaasaasa ilanngullugit sungiusarneqartarput. Kiisalu naggataatigut najuga-qartut siunissami paaqqinnittarfimmikunnaarunik nammineer-lutik inuuneqarlutik akisussaaffimmik tigusisinnaanngortillugit piginnaasamikkut pisussaaffimmikkullu sungiusarneqarnissaat siunertaavoq.

Ajami inunniq perorsaanermi nammineersinnaassuseqalersitsineq tunngaviusumik oqariartaasiuovoq. Nammineersinnaassuseqaler-sitsineq ima allaaserineqarpoq; najugaqartup qanoq iliorsinnaan-

nginnermik misigissuseqartarnini pillugu akiunnissamut tapersorneqassaaq aamma nammineq inuunermini periarfissat sallullugit nammineq naleqassutsiminik aqussinnaanerminillu misigissuseqalersinneqartassaaq. Ajami immikkoortut assigiinnitsut ataatsimuulersillugit inunnik perorsaasoqartapoq. Tassa imaappoq, najugaqartut ataasiakkaat unammilligassaat immikkularissut aamma inisisimaffia aallaavigalugit perorsaariaatsit assigiinnitsut Ajap ataqatigiissittarpai. Atassuteqarsinnaassutsimut attaveqarsinnaassutsimullu suliniutit Ajap sullissinerani tunngaviulluinnarput; najugaqartut sulisullu akornanni taakkua eqqisisimanartumik atassuteqalersitsisarput taamaallutik perorsaariaatsinut allanut sunniuteqarsinnaaneri taamaalillutik tunngavilerneqartarput.

Toqqissisimanartumik angerlarsimarfippalaartumillu isumassuisoqarluni aaqqissuuussaasumik, malittarisassalimmik erseqqisumillu killiliisarluni avatangiiseqarnissaq pilersissallugu Ajap immikkut ittumik pingaartitaraa. Inunnik perorsaalluni suliniuteqarnermi pinngortitaq atorlugu sammisaqartitsinerit akuttunngitsumik Ajap sinaakkutitut atortarpai.

Qulaajaanermi katsorsaanermilu DIH-mi Tarnikkut nappaatilinnut Immikkoortortaq Ajap suleqatigaa. Taamaattorli meeqqanut tar-nikkut nappaatilinnut immikkoortortaqarfeganngilaq, taamaattumillu meeqqat Nuummi napparsimavimmi meeqqanut immikkoortortami amerlanertigut unitsinneqartarput. Nakkutilliilluni alakkaanerup nalaani Ajami inuusuttut arfinillit najugallit tarnikkut qulaajaaffigineqarsimapput.

Tamatuma saniatigut najukkami atuarfinnik suliffeqarfinnillu pitsaasumik suleqateqarneq Ajap anguniartuarpa.

Aja periarfissaqarpoq angerlarsimaffiuq ulluinnaasa avataani aallaarsimaartitsinissamut suliniuteqarnissamullu.

Aja-mi sulisuupput perorsaasut pingasut, isumaginninnermi assistenti ataaseq, isumaginninnermi ikiorti ataaseq, ilinniartoq ataaseq kiisalu ikiortit aqqanillit. Sulisut naliliipput, sulisoqarneq ataatsimut isigalugu ajunngitsoq, kisianni ajornakusoorsinnaasartoq unnuakkut aalajangersimasunik pingaartussarsiniartarneq.

4. Nakkutilliisut alakkarterinerat

Nakkutilliisut angerlarsimaffimmi alakkarterisinneqarput. Nakkutilliisut marlunngorlutik avipput, inuusuttunut inituallaanginnis-sartik siunertalarugu.

Angerlarsimaffik kusanarpoq eqqiluillunilu. Nakkutilliisut alakkarpaat ini isersimaartarfiusoq, teqeqlilik TV-mik isiginnaarfiu-

sinnaasumik. Nakkutilliisut aamma alakkarpaat ineeqqat arlallit. Sulisut oqaluttuarput, inuuusuttut namminneerlutik ineeqqatik toresuutittussaagaat. Nukappiaqqat niviarsiaqqallu avissaaqqatin-neqarput.

Ineeqqat mikipput kusanarlutilli. Inuuusuttut sisamat uffarfimmik perusuersartarfimmillu katussaqarput. Ineeqqani pujortaqqusavvoq 18-nik ukioqalereersimagaanni. 18-it ataallugit ukiullit ineeqqaminni pujortaqqusaanngillat.

Sulisut oqaluttuarput eqqumaffigisorujuugitsik inuuusuttut qanoq katitertarneri pillugit. Inuuusuttut arlallit tarnikkut assigiinngitsunik nappaateqarput, taamaattumillu pingaaruteqarpoq sulisut isumaliutigisassagaat qanoq ilillutik inuuusuttunut saaffiginnitarnis-sartik, tatineqartutut misigissanngimmata. Akuttungitsumik inuuusuttut akunnerminni aaqqiagiinngissuteqartarput.

Kiisalu init marluk paarnaqqasut, tassaasut toqqorsivik aamma ilinniartitsivik. Sannaveqarpoq aamma paarnaarsimasumik atorneqanngikkaagat, isumannaallisaaniarnermik tunngavilimmik. Igaffeqarpoq, tassani nerisassiorneq pisarluni. Igaffimmi matut aamma sillimaniarnermik pissuteqartumik paarnaarsinnaapput.

Sulisunut aamma ineqarpoq qimaaviusinnaasumik, tassani pingartoq unnuisarpoq. Sulisut oqaluttuarput tamatumunnga atatillugu, pisariaqartoq, isumannaallisaanerup ukkanneqarnissaa, inuuusuttut amerlasuut avammut sakkortuumik quisuariaateqarsin-naasarmata. Assersuutigalugu kuglepenne-nik peqaqqusaanngilaq, soorlu aamma qiuutit saviillu paarnaarsimasumiitinneqartut. Sulisut sillimaniarnermut ilinniartinneqartarput.

Nakorsaatit sikaavimmi quisuusumi paarnaarsimasumiitinneqarput, taanna allaffimmippiq. Inuuusuttut attaveqaatigisaasa inuuusuttut nakorsaataat aquppaat.

Inuuusuttut pillugit pilersaarutit allaffimmippiut, paarnaqqasumi, sulisunik najuttoqartinnagu.

Nakkutilliisut inuuusuttut marluk angerlarsimaffimmi najugallit oqaloqatigaat. Nalinginnaasumik Aja-miinnertik ajorinngilaat. Inuuusuttup aappa skizofren-eqarpoq, ukiunilu marlunni tamaani najugaqarsimalluni. Inuuusuttut marluk tamarmik oqaatigaat pigin-naatitaaffitik pillugit ilisimatinneqarnikuullutik. Kisiannili ilaqtatik maqaasivaat.

5. Tamalaat

Sulisut oqaluttuarput, angerlarsimaffimmi najugaqartut akornanni inuusuttut amerlasuut qajannartuuusut. Angerlarsimaffik Kalaallit Nunaanni asseqanngilaq.

Persorsaasut atorfegartut amerlavallaanngillat. Sulisussanik suliamut ilinniarsimasunik pissarsiniarneq ajornakusoorpoq, tamanalu ajornartorsiutaavoq, sullinniakkammi oqimaatsuummata.

Sulisunut pingaaruteqarpoq, inuusuttunut maligassiuisutut inissimassallutik.

Sulisut oqaluttuaraat, amerlasuutigut inuusuttut oqaaseqartinniarneri ajornakusoortuusoq. Sulisut iliuuseqartarpuit inuusuttut sammisassaqartinniarlugit, taamaaliornikkut oqaaseqartinnissaat ajornannginnerusarmat. Inuusuttut arlallit kinguassiutitigut atornelugaasimapput, aamma arlallit perlilerneq misigisimavaat. Taamaattumik pingaaruteqarpoq inuusuttut naapinnissaat sumiiffiannitatiniaarsarinagillu piumanngiffisigut.

Tamanna aamma isumaqarpoq, piumasaqaataanngimmat inuusuttut atuarnissaat. Inuusuttunulli periarfissaavoq sapaatip akunneranuit akunnerni arlalialunnguani sulinissamut, piumagunik. Sulismagunik akissarsisinneqartarpuit. Tamatuma saniatigut kaasarfiimiussinneqartarlillu atisassarsiutisiaqartinneqartarpuit. Sulisut ikiuuttarput aningaasanik aqutsinissaannik. Inuusuttut 18-it ataallugit ukiullit eqqarsaatigalugit taakku sapaatip akunneranuit pingasoriarlutik aningaasanik pisarput. Tamanna pissuteqarpoq aningaasat ikiaroornartumut atorneqannginnissaannik.

Ulloq unnuarlu kaajallallugu nerisassamik pissarsisinnaapput, aamma aalajangersimasumik piffissamik siniffissaqanngilaq, inuusuttullu sinissinnaapput iternissamik tungaanut. Matut ammaannartuupput, angerlarsimaffillu qimassisnavaat piumagunik. Taamaattorli isumannaallisaaneq eqqarsaatigalugu matut nal. 23.00 paarnaarneqartarpuit avataaniit isertoqannginnissa siunertalarugu.

Sulisut nalilerpaat inuusuttut periarfissaqartut inuusuttut inuunissaminut, aamma sunniuteqarsinnaapput angerlarsimaffimmi sunik sammisassaqartitsisoqarnissaa pillugu. Assersuutigalugu café-mukartoqartarpoq aamma naluttarfimmut nalukkiartoqartarpoq.

Inuusuttut inuuissioraagata kaffillertoqartarpoq, inuusuttut ikinngutiminnik ilaquitminnillu qaaqqusisinnaatillugit. Angajoq-qalli tamarmik periarfissaqarneq ajorput peqataanissaminut. Taamatumani pissutaasinnaavoq ungassisorsuarmi najugaqarneq

aammali imaassinaalluni angajoqqaat nukissaqanngitsut peqataanissaminnut. Tamanna taarserniarlugu sulisut iliuuseqarluartarput.

Inuuusuttut arlallit Aja-mi najugaqartut illoqarfinnit allanit aggersuupput. Inuuusuttut pisinnaatitaaffigaat ukiumut marloriarlutik ilaqtaminnut tikeraarsinnaanertik, sulisunik ingiaqateqarlutik.

Sulisut oqaluttuarput akuttunngitsumik inuuusuttunut pissaanermik atuisoqartariaqartartoq, sulisullu ilaannikkut inuuusuttunik natermut paagussisariaqartartut. Pisulli ilaatigut aamma sulisut politiinik ikiortissarsiortarput, inuuusuttoq immikkut ulorianartumik pissusilersortillugu.

Nakkutilliisut apequtigaat, pinngitsaalialiissummik inissiisarnerit amerlanersut inuuusuttut akornanni. Sulisut akissutigaat, tamanna pisinnaasartoq. Tunngaviusumilli sulisut isumaqarput, sullinniakkatik sapernartuusut, aammalu tamatigut suliamut tunngatillugu piginnaasat pigisanngikkikit. Sulisussanik pissarsiniarneq ajornakusoorpoq, ulluinnarnilu pissutsit ilaatigut imannaaneq ajorput.

Sulisut tikkuaarpaat aamma, illup ataatsip iluani meeqqat inuuusuttullu ataatsimoortinnejnarerat. Inersimasut inituallaartillugit inuuusuttunik sullissiniarneq ajornakusoorsinnaasarmat.

Sulisut aamma oqaluttuaraat, kinguaassiutitigut atoqatigiinnermi illersuutit atorneqarnissaat ukkatarineqartoq. Inuuusuttut akornanni atortittartuuneq ajornartorsiutaavoq angisooq. Inuuusuttut ilaasa atisaqaratik assitik tuniniartarpaat internet aqqutigalugu, tamannalu pillugu sulisut inuuusuttunik oqaloqatiginnittarput killissat pillugit – annerpaamik illersorniarlugit. Inuuusuttunut ajornakusoorsinnaasarpoq paassisallugu tamakku qanoq kinguneqarsinnaaneri siunissami, assersuutigalugu atisaqaran assinik tunisaqartaraanni.

Nakkutilliilluni alakkaanissaq sioqqullugu Aja-p paassisutissisutigaa ukiumi kingullermi 6-7-eriarluni pissaanermik atuisoqarsimasoq. Ilaatigut imigassartorsimatilluni kamarujussuartoqarnerani, imaluunniit inuuusuttup piumasani pisinnaasimanagu. Pisup pereernerisa kingorna tamatigut inuuusuttut oqaloqateqarnissaminut periafissaqarput.

Aja oqaatsinik atuinissamut politikkeqarpoq, najugaqartullu pillugit sulisut ammut isiginninniutinik oqaloqquaanngillat.

Aja-mi aamma illup iluani malittarisassaqarpoq. Sulisut pingaartippaat, immikkoortortani tamani toqqisisimanartuussasoq. As-

sersuutigalugu ataatsimoornerni mobiltelefoneqaqqusaanngilaq.
Nal. 21.00 kingorna errorsivik atorneqaqqusaanngilaq.

Inuuusuttut Aja-mut iserteraangamik illup iluani ileqqorissaarnis-samut malittarisassanik pisarput, sulisuniillu oqaluttuunneqartar-lutik, malittarisassat suut atuunnersut. Ileqqorissaarnissamut ma-littarisassat ingerlaavartumik qaquinneqartarput.

Inuuusuttut tamarmik nal. 23.00 ineeqqaminneereersimassapput. Tamatuma kingornatigut TV-mik isiginnaartoqarsinnaanngilaq, sammisassaqarnerillu tamarmik unitsinnejqarsimassallutik. Aja-mut pulaarfissat piffissat aalajangersimasuupput.

Immikkoortortami anginermi nal. 07.00-miit 23.00-ip tungaanut internet-imut attaveqartarpoq. Immikkoortortami mikinermi aamma Holbøllsvej-imiittumi ulloq unnuarlu kaajallallugu inter-net-imut attaveqarpoq.

Sulisut aamma oqaluttuaraat angerlarsimaffimmi imigassamik, ikiaroornartumik il.il. eqqussisoqaqqusaanngitsoq. Sulisut paasi-saqartillutik arsaarinnittarput.

Nakkutilliisut apeqqutigaat angerlarsimaffiup inuuusuttut angajoq-qaavinik suleqateqarnera. Sulisut akipput toqqaannartumik anga-jonqaat akulerutsinnejqarneq ajortut.

[Dette er en oversættelse. I tvivlsspørgsmål henviser vi til den danske original].
Nutsigaavoq. Nalorniguit qallunaatuua takuuk.